

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKA IZBORNA KOMISIJA
Broj: 094A-195/16
Kakanj, 09.11.2016. godine**

I Z V J E Š T A J

**O RADU OPĆINSKE IZBORNE KOMISIJE I PROVEDENIM LOKALNIM IZBORIMA U
OPĆINI KAKANJ 02.10.2016. GODINE**

Kakanj, Novembar 2016.godine

I UVOD

Općinska izborna komisija je u skladu sa Instrukcijom Centralne izborne komisije Bosne i Hercegovine, pravovremeno pokrenula aktivnosti na donošenju Finansijskog plana Općinske izborne komisije Kakanj za 2016. godinu.

Imajući u vidu provođenje Lokalnih izbora u 2016. godini, Općinska izborna komisija Kakanj je u skladu sa Instrukcijom sačinila Finansijski plan Općinske izborne komisije za 2016. godinu, te isti dostavila Općinskom vijeću Kakanj.

Finansijski plan Općinske izborne komisije Kakanj je u cjelosti usvojen Budžetom Općine Kakanj za 2016. godinu.

Općinska izborna komisija je donijela Poslovnik o radu Općinske izborne komisije Kakanj dana 02.03.2016. godine. Poslovnik o radu Općinske izborne komisije Kakanj objavljen je u Službenim novinama općine Kakanj broj: 4/16 od 04.03.2016. godine.

Poslovnik o radu Općinske izborne komisije Kakanj proslijeđen je Centralnoj izbornoj komisiji Bosne i Hercegovine.

Općinska izborna komisija Kakanj, nakon preseljenja općinske administracije u novu zgradu općine Kakanj, je smještena u prostorijama općine Kakanj koje se nalaze u soliteru II. Općina Kakanj je omogućila premještanje dokumentacije i kancelarijskog namještaja Općinske izborne komisije u nove prostorije.

Finansijskim planom Općinske izborne komisije za 2016. godinu predviđena je nabavka računara i računarske opreme za Općinsku izbornu komisiju.

Općina Kakanj je izvršila nabavku računara, multifunkcionalnog printera, kopir aparata, te antene za povezivanje računarske opreme Općinske izborne komisije i Centra za birački spisak u IT sistem općine.

Sva naprijed navedena oprema je nabavljena i instalirana u planiranim rokovima.

II PRIPREME ZA PROVOĐENJE LOKALNIH IZBORA 2016. GODINE

a) Donošenje Odluke o raspisivanju i održavanju Lokalnih izbora 2016. godine

Centralna izborna komisija Bosne i Hercegovine, na sjednici održanoj dana 04.05.2016. godine, je donijela Odluku o raspisivanju i održavanju Lokalnih izbora 2016. godine, kojom je za dan održavanja lokalnih izbora određena nedjelja 02.10.2016. godine. Na istoj sjednici Centralna izborna komisija Bosne i Hercegovine je usvojila Uputstvo o rokovima i redosljedu izbornih aktivnosti za Lokalne izbore koji će se održati u nedjelju 02.10.2016. godine.

b) Obavezna edukacija članova Općinske izborne komisije

Centralna izborna komisija Bosne i Hercegovine je organizovala obaveznu edukaciju za novoimenovane članove općinskih izbornih komisija, koji su imenovani u 2015. godini, na kojoj je prisustvovao predsjednik Općinske izborne komisije Kakanj, kao novoimenovani član u 2015. godini. Pored ove obavezne edukacije, Centralna izborna komisija Bosne i Hercegovine je organizovala dvije obavezne edukacije za članove općinskih izbornih komisija. Svi članovi Općinske izborne komisije Kakanj su prisustvovali na svim obaveznim edukacijama u organizaciji Centralne izborne komisije Bosne i Hercegovine.

c) Procedura izbora potencijalnih trenera za obuku predsjednika i zamjenika predsjednika biračkih odbora

Centralna izborna komisija Bosne i Hercegovine Općinskoj izornoj komisiji Kakanj je dostavila javni poziv za izbor potencijalnih trenera za obuku predsjednika i zamjenika predsjednika biračkih odbora, koji je Općinska izborna komisija u skladu sa Uputom Centralne izborne komisije Bosne i Hercegovine objavila na zvaničnoj internet stranici općine Kakanj.

Općinska izborna komisija je u propisanom roku zaprimila 5 (pet) prijava kandidata, nakon čega je na sjednici održanoj 22.06.2016. godine sačinila Zapisnik o postupku provođenja procedure izbora trenera za obuku predsjednika i zamjenika predsjednika biračkih odbora i donijela Odluku o utvrđivanju rang liste potencijalnih trenera i istu dostavila Centralnoj izornoj komisiji Bosne i Hercegovine na daljnje postupanje.

Centralna izborna komisija Bosne i Hercegovine je sačinila listu trenera za obuku predsjednika i zamjenika predsjednika biračkih odbora za općinu Kakanj.

Općinska izborna komisija Kakanj je prema Planu i programu obuke članova biračkih odbora za Lokalne izbore 2016. godine, angažovala trenere za obuku predsjednika i zamjenika predsjednika biračkih odbora i to: Bahrudin Arnaut, Alisa Bećirhodžić i Ejub Spahić.

Navedena lica su izvršila obuku predsjednika i zamjenika predsjednika biračkih odbora u skladu sa Planom i programom obuke članova biračkih odbora.

d) Obilazak i određivanje lokacija biračkih mjesta i donošenje Odluke o određivanju redovnih biračkih mjesta

Danom donošenja Odluke o raspisivanju i održavanju Lokalnih izbora 2016. godine Općinska izborna komisija Kakanj je pokrenula aktivnosti iz nadležnosti komisije. Općinska izborna komisija Kakanj je u periodu od 04.05.2016.godine do 29.07.2016.godine obišla sve lokacije biračkih mjesta, na kojima su provedeni Opći izbori 2014. godine. Tokom obilaska lokacija, utvrđeno je da je u odnosu na prethodne Opće izbore 2014. godine, potrebno izvršiti promjenu lokacija biračkih mjesta, a za jedno biračko mjesto izvršena je promjena naziva biračkog mjesta. Razlozi ovakvog postupanja

se ogledaju u činjenici da su se određena pravna i fizička lica izjasnila da neće davati u zakup prostorije za lokaciju biračkog mjesta. Tako su utvrđene nove lokacije biračkih mjesta za slijedeća biračka mjesta: biračko mjesto Sopotnica (promijenjena lokacija biračkog mjesta), biračko mjesto Varda (promijenjena lokacija biračkog mjesta), biračko mjesto Klub radio amatera (promijenjena lokacija i naziv biračkog mjesta, bivše biračko mjesto „Lovački dom“), biračko mjesto Dubovo brdo (promijenjena lokacija biračkog mjesta), biračko mjesto Hrastovac (promijenjena lokacija biračkog mjesta), biračko mjesto 311. L. brigade (promijenjena lokacija biračkog mjesta), biračko mjesto Podvarda (promijenjena lokacija biračkog mjesta) i biračko mjesto Obre (promijenjena lokacija biračkog mjesta).

Općinska izborna komisija je nakon obilaska svih lokacija, donijela Odluku o određivanju redovnih biračkih mjesta dana 27.09.2016. godine.

U općini Kakanj određeno je 59 (pedeset devet) redovnih biračkih mjesta, 1 (jedno) biračko mjesto za glasanje u odsustvu i na nepotvrđenim glasačkim listićima i 2 (dva) mobilna tima.

e) Izlaganje Izvoda iz privremenog biračkog spiska

Općinska izborna komisija je u skladu sa Izbornim zakonom Bosne i Hercegovine i Instrukcijom Centralne izborne komisije Bosne i Hercegovine, preuzela Izvode iz Privremenog biračkog spiska, sačinila Plan izlaganja Izvoda iz Privremenog biračkog spiska, te omogućila uvid svim zainteresovanim u iste.

U saradnji sa Službom za opću upravu, radne i zajedničke poslove, lokalnu samoupravu i mjesne zajednice i Centrom za birački spisak Kakanj, Izvod iz privremenog biračkog spiska je izložen u Matičnom uredu Kakanj i svim područnim Matičnim uredima (Bilješevo, Brnjic i Kraljeva Sutjeska). O navedenom, putem Službe za opću upravu, radne i zajedničke poslove, lokalnu samoupravu i mjesne zajednice obavješteni su svi predsjednici mjesnih zajednica.

Obavijest o izlaganju Izvoda iz privremenog biračkog spiska objavljena je putem medija i na internet stranici Općine Kakanj.

f) Dodjela mjesta političkim subjektima u biračkim odborima

Centralna izborna komisija Bosne i Hercegovine je dana 21.07.2016. godine izvršila utvrđivanje redoslijeda političkih subjekata na glasačkom listiću.

Općinska izborna komisija je uputila poziv svim političkim subjektima ovjerenim za Lokalne izbore 2016. godine u općini Kakanj, da prisustvuju dodjeli mjesta političkim subjektima u biračkim odborima, koji je zakazan za dan 03.08.2016. godine u 16,00 sati u Općini Kakanj.

Nakon što je izvršena dodjela mjesta političkim subjektima u biračkim odborima, Općinska izborna komisija Kakanj je sačinila Zapisnik sa dodjele mjesta u biračkim odborima političkim subjektima za Lokalne izbore 2016. godine od 03.08.2016. godine i isti dostavila svim političkim subjektima.

Na postupak dodjele mjesta u biračkim odborima, politički subjekti nisu imali primjedbi.

Politički subjekti su nakon provedene procedure dodjele mjesta političkim subjektima u biračkim odborima, dostavili prijedloge lica za članove biračkih odbora.

g) Imenovanje članova biračkih odbora

Općinska izborna komisija Kakanj je po prijemu prijedloga za članove biračkih odbora, prije nego je donijela Rješenja o imenovanju biračkih odbora, izvršila provjeru svih predloženih lica u skladu sa Izbornim zakonom Bosne i Hercegovine i podzakonskim aktima.

Kako politički subjekti nisu dostavili prijedloge za sve pozicije koje su im pripale u biračkim odborima, upražnjena mjesta popunila je Općinska izborna komisija Kakanj.

Rješenja o imenovanju biračkih odbora, Općinska izborna komisija Kakanj je donijela dana 27.08.2016.godine, te iste dostavila svim političkim subjektima.

Nakon provedenih obuka, što iz razloga odustajanja, što iz razloga da članovi biračkih odbora nisu položili test u konačnici Općinska izborna komisija Kakanj je popunila 82 mjesta u biračkim odborima, dok su ostala mjesta u biračkim odborima popunjena prema prijedlozima političkih subjekata.

Za provođenje Lokalnih izbora u 2016. godini angažovana su ukupno 572 člana biračkih odbora.

Općinska izborna komisija Kakanj je donijela Odluku o visini naknada za rad biračkih odbora na provođenju Lokalnih izbora 2016. godine, te utvrdila visinu naknade u neto iznosu bez poreza na dohodak i doprinosa, kako slijedi:

a) Redovna biračka mjesta

1) predsjednik	100 KM
2) zamjenik predsjednika angažovan na dan izbora	70 KM
3) član	80 KM
4) zamjenik člana koji je angažovan na dan izbora	50 KM
5) zamjenik predsjednika/člana koji nije angažovan na dan izbora, a prošao obuku	20 KM

b) Mobilni timovi i biračka mjesta za glasanje u odsustvu/nepotvrđena biračka mjesta

1) predsjednik	80 KM
2) zamjenik predsjednika angažovan na dan izbora	50 KM
3) član	60 KM
4) zamjenik člana koji je angažovan na dan izbora	40 KM
5) zamjenik predsjednika/člana koji nije angažovan na dan izbora, a prošao obuku	20 KM

h) Plan i program obuke članova biračkih odbora

Općinska izborna komisija Kakanj je dana 09.09.2016. godine, donijela Plan i program obuke članova biračkih odbora za Lokalne izbore 2016. godine.

Planom i programom obuke utvrđene su teme i mjesto obuke članova biračkih odbora.

Obuka članova biračkih odbora provela se u periodu od 13.09.2016. godine do 23.09.2016. godine na četiri lokacije i to: JU OŠ „Omer Mušić“ Brežani, JU OŠ „Mula Mustafa Bašeskija“ Kakanj, JU OŠ „Ahmed Muradbegović“ Kakanj – Područna škola Bilješevo, JU OŠ „Rešad Kadić“ Brnjic i JU KSC Kakanj – mala sala Doma kulture.

Obuku predsjednika i zamjenika predsjednika biračkih odbora proveli su certificirani treneri, dok su obuku članova i zamjenika članova biračkih odbora proveli članovi Općinske izborne komisije Kakanj.

Također, kako obuci predsjednika i zamjenika predsjednika biračkih odbora nisu pristupili svi imenovani u zakazanim terminima, Općinska izborna komisija Kakanj je naknadno, a u skladu sa preporukom Centralne izborne komisije Bosne i Hercegovine izvršila obuku istih.

Također, ističemo da određen broj imenovanih članova i zamjenika članova biračkih odbora u predviđenim terminima nisu pristupili obuci, tako da je Općinska izborna komisija utvrdila tri dodatna termina za obuku članova biračkih odbora.

I pored činjenice da je Općinska izborna komisija Kakanj omogućila dovoljan broj termina, obavijestila sve političke subjekte o Planu i programu obuke članova biračkih odbora, te i pored toga što su se kontaktirali svi imenovani članovi biračkih odbora pojedinačno, određen broj članova biračkih odbora nije pristupio obaveznoj obuci, tako da su ova mjesta u biračkim odborima popunjena od strane Općinske izborne komisije Kakanj, te su isti prošli obuku za članove biračkih odbora.

i) Posmatrači

Politički subjekti, u roku propisanim Izbornim zakonom Bosne i Hercegovine, dostavili su podatke o licima koji bi ispred političkog subjekta posmatrali izborni proces i zahtjev za akreditiranje predstavnika političkog subjekta.

Zahtjev za akreditiranje predstavnika političkog subjekta nisu dostavili politički subjekti: HDZ – Hrvatska demokratska zajednica Bosne i Hercegovine, Nedžad Musić – nezavisni kandidat i Alija Ramić – nezavisni kandidat.

Općinska izborna komisija Kakanj, nakon provjere podataka o predloženim posmatračima, je dodijelila akreditacije za 552 posmatrača akreditovana ispred političkih subjekata, kako slijedi:

1. Demokratska fronta - 71
2. Socijaldemokratska partija Bosne i Hercegovine - 53
3. Mujo Fafulić - 22
4. Stranka demokratske aktivnosti - 22
5. Savez za bolju budućnost Bosne i Hercegovine – Fahrudin Radončić - 111
6. SDA-Stranka demokratske akcije -115
7. Stranka za Bosnu i Hercegovinu - 29
8. Vahid Ahmetović - 108
9. Stranka penzionera/umirovljenika Bosne i Hercegovine – 21

Centralna izborna komisija Bosne i Hercegovine akreditovala je 43 predstavnika Udruženja „Inkubator društvenih inovacija-Munja“

Općinska izborna komisija Kakanj dostavila je akreditacije svim političkim subjektima.

Pored naprijed navedenog, Općinska izborna komisija Kakanj je svim biračkim odborima pripremila spiskove akreditovanih posmatrača i dostavila prilikom predaje izbornog materijala biračkim odborima.

j) Prijem neosjetljivog i osjetljivog izbornog materijala i dostava istog biračkim odborima

Općinska izborna komisija Kakanj je dana 06.09.2016. godine zaprimila neosjetljivi izborni materijal, a 23.09.2016. godine osjetljivi izborni materijal. Naprijed navedeni materijal je uskladišten u Sali za vjenčanja općine Kakanj, do trenutka trenutka predaje materijala biračkim odborima. Prostor gdje je uskladišten izborni materijal je osiguran alarmnim sistemom, a pored toga u saradnji sa Policijskom stanicom Kakanj, obezbjeđen je stalni policijski nadzor nad prostorom gdje je uskladišten izborni materijal.

01.10.2016. godine, sa predsjednicima biračkih odbora održan je završni sastanak i još jednom date upute o provođenju izbora, nakon čega su svi predsjednici biračkih odbora preuzeli izborni materijal i uputili se na biračka mjesta kako bi ista uredili na propisan način.

k) Ljudski resursi

Za potrebe provođenja Lokalnih izbora 2016. godine angažovano je:

1. Općinska izborna komisija Kakanj – 5 (pet) lica;
2. Sekretar Općinske izborne komisije Kakanj – 1 (jedno) lice;
3. Certificirani treneri – 3 (tri) lica,
4. Centar za birački spisak – 2 (dva) lica;
5. Članovi biračkih odbora – 572 (petstotinasedmdesetdva) lica;
6. Lica na unosu podataka u aplikaciju JIIS BiH – 12 (dvanaest) lica (1 (jedan) kontrolor unosa izbornih rezultata (predsjednik Općinske izborne komisije Kakanj), 1 (jedan) administrator izbornih rezultata i 10 (deset) lica za unos izbornih rezultata);
7. Lica na povezivanju i održavanju mreže za korištenje aplikacije za unos izbornih rezultata JIIS BiH – 2 (dva) lica;
8. Pomoćno tehničko osoblje – 4 (četiri) lica;
9. Lice angažovano za davanje informacija biračima na kojem biračkom mjestu glasaju – 1 (jedno) lice;
10. Vozač, angažovan na dan izbora – 1 (jedno) lice;
11. Osoblje na čišćenju prostorija (biračka mjesta locirana u školama) – 26 (dvadest šest) lica.

l) Bezbjednosna situacija

Općinska izborna komisija Kakanj je tokom cijelog izbornog procesa bila u stalnom kontaktu sa Policijskom stanicom Kakanj.

Policijskoj stanici Kakanj dostavljeni su podaci o broju biračkih mjesta i lokacijama biračkih mjesta.

Prema podacima Policijske stanice Kakanj u periodu od 02.09.2016. godine do 30.09.2016. godine obezbjeđena su 82 predizborna skupa.

Za obezbjeđenje predizbornih skupova u naprijed navedenom periodu angažovano je 250 policijskih službenika.

Na dan održavanja izbora angažovana su 73 policijska službenika.

Tokom izborne kampanje i na dan održavanja izbora nije bilo intervencije policije.

III IZBORNI DAN

a) Otvaranje biračkih mjesta

Sva biračka mjesta na području općine Kakanj su otvorena na vrijeme, odnosno otvorena su u 07,00 sati. Mobilni timovi su u skladu sa Planom obilaska birača koji glasaju putem mobilnog tima krenuli na vrijeme iz općine Kakanj prema Planu rada mobilnih timova.

b) Odziv birača na redovnim biračkim mjestima i komunikacija sa predsjednicima biračkih odbora.

Općinska izborna komisija Kakanj je bila u stalnom kontaktu sa predsjednicima biračkih odbora, te prema potrebama davala savjetodavna mišljenja

Općinska izborna komisija Kakanj je Centralnoj izbornoj komisiji Bosne i Hercegovine putem aplikacije za unos izbornih rezultata JIIS BiH, dostavljala podatke o odzivu birača u 11,00 sati, 15,00 sati i 19,00 sati.

Ukupan odziv birača na Lokalnim izborima 2016. godine u općini Kakanj iznosi 56,49%.

Najveća izlaznost birača je na biračkom mjestu 094A011 Bašići 88,76%.

Najmanja izlaznost birača je na biračkom mjestu 094A024 Kraljeva Sutjeska 29,07%.

c) Zatvaranje biračkih mjesta

U općini Kakanj sva biračka mjesta zatvorena su na vrijeme, odnosno u 19,00 sati. Mobilni timovi nakon obilaska birača koji su glasali putem mobilnog tima vratili su se u općinu Kakanj u 19,00 sati, gdje je izvršena predaja izbornog materijala.

d) Prijem izbornog materijala i unos podataka u JIIS BiH aplikaciju

Tokom izbornog dana u JIIS BiH aplikaciju unosili su se podaci o odzivu birača, a nakon što je Općinska izborna komisija počela sa prijemom izbornog materijala otpočeo je i unos podataka u JIIS BiH aplikaciju o rezultatima izbora.

Prijem izbornog materijala i unos podataka trajao je do 05,00 sati 03.10.2016. godine.

Općinska izborna komisija Kakanj je 03.10.2016. godine izvršila predaju dokumentacije u Glavni centar za brojanje Centralnoj izbornoj komisiji Bosne i Hercegovine.

e) Pravilno objedinjavanje izbornih rezultata

Općinska izborna komisija Kakanj je odlukom, a u skladu sa Instrukcijom Centralne izborne komisije Bosne i Hercegovine o načinu unosa, obrade i kontrole izbornih rezultata za Lokalne izbore 2016. godine imenovala kontrolora, administratora i osoblje za unos i obradu rezultata.

Odlukom je imenovan jedan administrator, jedan kontrolor i 10 (deset) lica za unos i obradu rezultata koji su raspoređeni u 5 timova. Općina Kakanj je obezbjedila adekvatan prostor i dovoljan broj računara i omogućila pristup aplikaciji, te nije bilo nikakvih problema prilikom unosa podataka u JIIS BiH aplikaciju.

Centralna izborna komisija Bosne i Hercegovine je u skladu sa naprijed pomenutom Instrukcijom organizovala edukaciju za obaveznu obuku kontrolora izbornih rezultata.

Osoblje za unos podataka je izvršilo unos podataka koje su dostavili birački odbori. Nakon što je okončan unos podataka dostavljenih od strane biračkih odbora, podaci sa 4 (četiri) biračka mjesta u općini Kakanj, aplikacija JIIS BiH nije prihvatila iz razloga što je kandidat u okviru otvorene liste dobio više glasova od političkog subjekta čiji je kandidat i broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića.

Na biračkom mjestu 094A028 Papratnica: broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića.

Na biračkom mjestu 094A036 Zagrađe kandidat u okviru otvorene liste dobio više glasova od političkog subjekta čiji je kandidat.

Na biračkom mjestu 094A051 Brnj broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića.

Na biračkom mjestu 094A052 Crnač broj glasačkih listića koji je pronađen u glasačkoj kutiji veći ili manji od zbira ukupnog broja važećih glasova i ukupnog broja nevažećih glasačkih listića.

Zbog naprijed navedenog Općinska izborna komisija Kakanj, Centralnoj izbornoj komisiji Bosne i Hercegovine podnijela zahtjev za pravilno objedinjavanje izbornih rezultata.

Centralna izborna komisija Bosne i Hercegovine je nakon prijema zahtjeva, donijela Zaključak kojim se odobrava otvaranje vreća i brojanje glasačkih listića za biračko mjesto za koje je podnesen zahtjev.

Općinska izborna komisija je po prijemu Zaključka, organizovala pravilno objedinjavanje rezultata za dan 05.10.2016. godine u 16,00 sati o čemu je obavijestila sve političke subjekte, koji su poslali akreditovane posmatrače.

Po okončanju procedure pravilnog objedinjavanja izbornih rezultata Općinska izborna komisija Kakanj je dostavila pravilno objedinjene podatke Centralnoj izbornoj komisiji Kakanj.

f) Predaja izbornog materijala Centralnoj izbornoj komisiji Bosne i Hercegovine

Općinska izborna komisija Kakanj je izvršila predaju cjelokupnog izbornog materijala Centralnoj izbornoj komisiji Bosne i Hercegovine u skladu sa Planom predaje izbornog materijala. Kompletan izborni materijal predat je u skladu sa Planom, te je predaja izbornog materijala, koja je izvršena u općini Kakanj dana 07.10.2016. godine protekla u najboljem redu.

IV POLITIČKI SUBJEKTI I IZBORNI REZULTAT

a) Politički subjekti

Za učešće na Lokalnim izborima 2106 godine, za općinu Kakanj od strane Centralne izborne komisije Bosne i Hercegovine ovjereni su slijedeći politički subjekti:

- Za nivo načelnika općine Kakanj prijavljeni su slijedeći kandidati:

Šifra	Kandidat
02188	NERMIN MANDRA - SDA/SBB
00008	ADNAN ČOBO - SDP-SOCIJALDEMOKRATSKA PARTIJA BIH
00004	TAIB BJELOPOLJAK - STRANKA ZA BOSNU I HERCEGOVINU
00027	IVO MAJSTOROVIĆ - HDZ BIH - HRVATSKA DEMOKRATSKA ZAJEDNICA BIH

- Za nivo općinskog vijeća ovjereni su slijedeći politički subjekti:

Šifra	Politički subjekt
00090	SDA-STRANKA DEMOKRATSKE AKCIJE
01182	SBB - FAHRUDIN RADONČIĆ
00004	STRANKA ZA BOSNU I HERCEGOVINU
00008	SDP-SOCIJALDEMOKRATSKA PARTIJA BIH

01698	DEMOKRATSKA FRONTA
00027	HDZ BIH - HRVATSKA DEMOKRATSKA ZAJEDNICA BIH
00882	A-SDA STRANKA DEMOKRATSKE AKTIVNOSTI
00513	STRANKA PENZIONERA / UMIROVLJENIKA BOSNE I HERCEGOVINE

- Za nivo općinskog vijeća ovjereni su slijedeći politički subjekti - Nacionalne manjine:

Šifra	Politički subjekt
01761	MUJO FAFULIĆ - NEZAVISNI KANDIDAT
02150	VAHID AHMETOVIĆ - NEZAVISNI KANDIDAT
00004	ŠEMSUDIN OMEROVIĆ - STRANKA ZA BOSNU I HERCEGOVINU
02145	NEDŽAD MUSIĆ - NEZAVISNI KANDIDAT
02147	ALIJA RAMIĆ - NEZAVISNI KANDIDAT

b) Izborni rezultat - načelnik

Broj birača	Broj biračkih mjesta	Broj kandidata
34167	59	4

Važeći listići - 17955 (92,86%)
Nevažeći prazni listići - 741 (3,83%)
Nevažeći listići po drugim kriterijumima - 640 (3,31%)
Broj obrađenih listića: 19336
Važeći listići: 17955
Redovni 17852 (99,43%)
Pošta 47 (0,26%)
Odsustvo, mobilni tim i DKP 56 (0,31%)
Potvrđeni 0 (0,00%)

Šifra	Kandidat	Broj glasova	Redovni	Pošta	Odsustvo, mobilni tim i DKP	Potvrđeni	%	Mandat
02188	NERMIN MANDRA - SDA/SBB	13085	13021	24	40	0	72,88	X
00008	ADNAN ČOBO - SDP- SOCIJALDEMOKRATSKA PARTIJA BIH	2671	2662	5	4	0	14,88	
00004	TAIB BJELOPOLJAK - STRANKA ZA BOSNU I HERCEGOVINU	1133	1127	0	6	0	6,31	
00027	IVO MAJSTOROVIĆ - HDZ BIH - HRVATSKA DEMOKRATSKA ZAJEDNICA BIH	1066	1042	18	6	0	5,94	

c) Izborni rezultat - općinsko vijeće

Broj birača	Broj biračkih mjesta	Broj redovnih mandata	Broj mandata nacionalnih manjina
34167	59	29	1

Važeći listići - 17772 (91,92%)
Nevažeći prazni listići - 77 (0,40%)
Nevažeći listići po drugim kriterijumima - 1485 (7,68%)
Broj obrađenih listića: 19334
Važeći listići: 17772
Redovni 17669 (99,42%)
Pošta 46 (0,26%)
Odsustvo, mobilni tim i DKP 57 (0,32%)
Potvrđeni 0 (0,00%)

Šifra	Politički subjekt	Broj glasova	Redovni	Pošta	Odsustvo, mobilni tim i DKP	Potvrđeni	%	Broj mandata
00090	SDA-STRANKA DEMOKRATSKE AKCIJE	6551	6519	12	20	0	37,94	11
01182	SBB - FAHRUDIN RADONČIĆ	2961	2950	2	9	0	17,15	5
00004	STRANKA ZA BOSNU I HERCEGOVINU	2699	2691	3	5	0	15,63	5
00008	SDP-SOCIJALDEMOKRATSKA PARTIJA BIH	1627	1624	0	3	0	9,42	3
01698	DEMOKRATSKA FRONTA	1436	1423	6	7	0	8,32	2
00027	HDZ BIH - HRVATSKA DEMOKRATSKA ZAJEDNICA BIH	1105	1082	20	3	0	6,40	2
00882	A-SDA STRANKA DEMOKRATSKE AKTIVNOSTI	519	515	3	1	0	3,01	1
00513	STRANKA PENZIONERA / UMIROVLJENIKA BOSNE I HERCEGOVINE	368	360	0	8	0	2,13	

NACIONALNE MANJINE

Šifra	Politički subjekt	Broj glasova	Redovni	Pošta	Odsustvo, mobilni tim i DKP	Potvrđeni	%	Mandat
01761	MUJO FAFULIĆ - NEZAVISNI KANDIDAT	440	440	0	0	0	86,96	1
02150	VAHID AHMETOVIĆ - NEZAVISNI KANDIDAT	57	57	0	0	0	11,26	
00004	ŠEMSUDIN OMEROVIĆ - STRANKA ZA BOSNU I HERCEGOVINU	6	6	0	0	0	1,19	
02145	NEDŽAD MUSIĆ - NEZAVISNI KANDIDAT	2	2	0	0	0	0,40	
02147	ALIJA RAMIĆ - NEZAVISNI KANDIDAT	1	0	0	1	0	0,20	

d) Prigovori

Općinska izborna komisija Kakanj u toku cijelog izbornog procesa nije zaprimila nijedan prigovor od strane političkih subjekata ovjerenih za učešće na Lokalnim izborima 2016. godine.

V FINANSIRANJE

Izbornim zakonom Bosne i Hercegovine troškovi provođenja lokalnih izbora finansiraju se iz Budžeta Općine Kakanj.

Budžetom Općine Kakanj za 2016. godinu u cjelosti je usvojen Finansijski plan Općinske izborne komisije Kakanj u visini od 92.751,50 KM.

Sa danom 08.11.2016. godine proknjiženo je 71.725,91 KM.

U strukturi proknjiženih sredstava uključena su:

- sredstva koja se odnose na naknade članovima biračkih odbora i naknade za angažovana lica na provođenju izbora iznose 50.744,70 KM,
- naknade članovima Općinske izborne komisije Kakanj i naknada za sekretara Općinske izborne komisije sa naprijed navedenim danom iznose 15.103,08 KM, i
- sredstva za materijalne troškove i usluge, koje se odnose na krećenje kancelarijskog prostora Općinske izborne komisije Kakanj, nabavku goriva za članove biračkih odbora, zakup prostorija, štampanje materijala, objava obavještenja u medijima, nabavka kancelarijskog materijala u iznosu od 5.878,13 KM.

Napomena: Kad je riječ o sredstvima koja se odnose na naknade članovima biračkih odbora, ista su još u postupku isplate.

U navedeni iznos za naknade članova Općinske izborne komisije Kakanj i sekretara Općinske izborne komisije Kakanj nisu uključene naknade za oktobar, novembar i decembar.

Predsjednik
Općinske izborne komisije Kakanj

Edin Kasper, dipl. pravnik